



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita Et Morib. Ignatii Loiolæ, Qvi Societatem Iesv
Fvndavit, Libri III**

Maffei, Giovanni Pietro

Dvaci, 1585

De caritate ipsius in Deum. Cap. III.

urn:nbn:de:hbz:466:1-44004

tius, hominem sibimet acriter imperantem. Alium quempiam, quod stomachosior esset natura, & subinde in amara verba prorumperet, se fratum consuetudini alieno tempore subtrahentem, Ignatius blande compellans: *Quin te, inquit, statutis horis in fratrum consuetudinem das?* cum ille iracundiam naturæ, bilemque prætenderet; *Næ tu vehementer erras,* ait Ignatius: etenim hæc & huiusmodi vitia, non fugiendo, sed resistendo vincuntur. Denique, licet pie preicationis laude præcelleret ipse, ut dictum est, semper tamen spiritum, quem vocant mortificationis, spiritui speculationis antetulit. nam ut in eloquentię studio, cum & ars, & usus ipse sit necessarius, longe plus tamen à sapientibus viris vñi quam preceptioni tribuitur; sic in parandis virtutibus cum & commētatio, & actio requirantur; multo plus tamen agendo & pugnando, quam speculando vel cogitando proficitur.

De caritate ipsius in Deum. C A P. III.

Aritate in Deum fuit, quanta pars est eum esse, qui ipsius Dei gratia rebus humanis nuntium sponte remiserit. neque solum eatenus Dominū amabat, vt præ illo reliqua omnia nihili duceret, quæ virtutis huiuscce præcipua est pars; verum inerat in amore voluptas mira: prorsus ut quantislibet pressus curis, ac molestiis fatigatus, in vnius Dei recordatione, & quasi amplexu, per summam delectationem acquiesceret. Christum vero Dominum ac liberatorem videndi sicuti est, tanta flagrabat cupiditate, vt eam ipsam ob rem solui corporis vinculis vehementius in dies optaret. Itaque, si quando grauiorem incidisset in morbum; concepta migran-

migrandi spe, abstrahebatur illico à sensibus nō sine magno valetudinis detimento: quo circa mentem à cœlestibus rebus interim auocare etiam atque etiam iubebatur à medicis. & quoniam acerbissima Christi mors pro salute humani generis obita Ignatio semper obuerfabatur; vicissim ille pro Christo per summos cruciatus quotidie cupiebat emori millies.

Quoties vero ingesta in illum conuitia & ludibria reputaret apud se; non modo rei atrocitate permouebatur vt multi, sed etiam accendebatur generoso quodam imitandi studio; atque in semetipsum quasi tanti sceleris auctorem acerrime exardescet: ac nisi eum cohibuisset existimationis ratio propter salutē aliorum; simulata dementia, ad plebem in se concitandam, nudus onustusque cornibus, aut alio fœdo corporis habitu prodire nō dubitasset in publicum; & incessentes cœno vel stercore pueros, vocesq. improbas, & sputa, & omnes alias insanæ multitudinis contumelias libentissime pertulisset. Sed quoniam eiusmodi nulla se dabat occasio; certe quod erat proximū sedulo faciebat, vt immortalia Domini beneficia in se, memoria coleret sempiterna; & in eiusdem vel indaganda voluntate, vel gloria quærenda, suas omnes curas cogitationesq. cōsumeret. cuius rei vel hoc satis magno argumēto sit. Inter ipsam negotiorum molē perditas meretriculas tanto studio conabatur ab impuritate auocare, vt si qua ex iis resipisceret, seq. intra pudicitię septa recipere vellet; grādis iā natu vir, & Præpositus Generalis, antecedere ipse met, ac perductoris quodammodo munere fungi, Christi causa non erubesceret. In quo cum admoneretur à quibusdam, frustra tempus ac laborem insumi, quippe insanabiles esse eiusmodi feminas,

ac li-

ac licet in præsentia pænitentiam ostenderent, breui tamen ad ingenium reddituras : Ego vero, inquit ille, cuiuslibet istarum, vnius dumtaxat noctis impedit flagitia & iniurias in Deum, omnis operæ ac vigilatiæ pretium duxerim.

De caritate in proximos. C A P. IV.

EX hoc tam incenso in Deum amore, egregia nimur illa caritas in homines redundabat. quos quoniam pretioso eiusdē sanguine redemptos, ac proinde carissimos illi sciebat esse, quidquid in Deum non poterat nullius egentem rei, omne id, ipsius gratia in proximos conferebat. Ut primum ē peccatorū cœno emersit, confessim ad ceteros ex eodem cœno extrahédos incubuit. atq. ob id ipsum (vti supra dictum est) ingenti labore & incommodo litteris operam dedit ; & in Societate instituenda nihil spectauit aliud, nisi ut errantes animos ad rectum salutis iter omni ratione reduceret. Barcinone, cum in grāmaticæ studio versaretur, eodemq. tempore, animorum quoq. salutē acerrime procuraret ; virginū quoddam collegium, cuius nomen consulto reticeo, soluta admodū disciplina, corruptisq. moribus, ad veterem sanctimoniam ac sobrietatem omni studio reuocare nitebatur: suadebatq. illis præcipue frequentem usum sacrę Confessionis, & Eucharistiæ. Quam ad rem, temporibus illis insolitam, quo facilius eas adduceret, præire ipse met illis palā decreuit, adhibito ad id Moysē Puialto facerdote, quo ipse ad cōfessiones vtebatur, spectata virtutis ac sanctitatis viro. Igitur ex eius manu corpus Domini cū subinde sumpsisset, feminis ex oda spectan-